

बच्चियां ताई बाइबल पेस करदी ऐ

पैहल्ला ईस्टर



Edward Hughes: दे जरिये लिखियो ऐ।

Janie Forest; Alastair Paterson:
दे जरिये बणाई गेई।

Lyn Doerksen: दे जरिये अनुकूलित।

Subramani N.: दे जरिये अनुवाद कित्ता।

Bible for Children
www.M1914.org: दे जरिये बणाई ऐ।

©2022 Bible for Children, Inc.

लाईसेंस: जाहलू तिकर तुहां इसा जो नी बेचदे हन, ताहलू तिकर तुहां
जो इसा काहणिया जो कोपी या परिंट करणे दी इज्जाजत ऐ।


1

तिसदी माँ मरियम शोर-शराबे
आलिआ प्हाडिया पर खडौंतियो
थी, तिसा दियां उदास अंखी
इक्क खतरनाक घटना
जो दिक्खा दियां थियां।
तिसादा पुतर मरा दा
था। कने सैह तिसा
जगाह अल्ल खडौंतियो
थी जित्थु यीशु जो
सुलिया पर
दुंगेया था।



2

एह सब कुच्छ किआं होएया? यीशु सुन्दर जिन्दगिया जो इतणे खतरनाक तरीके नैं किआं खत्म करी सकदा ऐ? परमात्मे अपने पुत्रे जो तित्थु मरणे ताई सूलिया पर मेखा ठोकणे दी इजाज्जत किआं देई सकदा था? क्या यीशुयें गलती कितियो कि सैह कुण था? क्या परमात्मा नाकामयाब रहेआ।



3

नीं! बिल्कुल नीं! परमात्मा नाकामयाब नीं होएया। यीशुयें कोई गलती नीं कितियो थी। यीशु हमेसा ते जाणदा था कि बुरे लोक तिसियो मारी दिगे। ऐत्थु तिकर कि जाहलू यीशु इक्क बच्चा था, ताहलू शिमीन नांऐ दे इक्की जबरें माणुयें मरियमा नैं गलाया था कि दुख ओणे हन।



4

यीशु दे मारे जाणे दे कुच्छ दिन पैहल्लैं, इक्की जणासा आई नैं तिसद पैरां खुसबुदार इतर मलेया था। एह दिक्खी करी चेलेयां गलाया था, कि “एह इसियो बेकार च बरबाद करा दी ऐ कजोकि इसदी बोहत जादा कीमत ऐ। यीशुयें गलाया, “इन्नें तां एह भला कम्म मेरे दफनाणे ताई कित्या था।” क्या अजीब गल्ल ऐ।



5

इसते बाद, यहूदा इस्करियोति, यीशु दे बाराह चेलेयां च इक्क था, जेहड़ा 30 चाँदी दे सिक्केयां ताई यीशु जो धोखे नैं पकडुआणे ताई प्रधान याजकां नैं मिल्ली गेआ था।



6

यहूदी फसह ते त्योहारे दे दिन, यीशुयें अपने चेलेयां सौगी अपना आखरी खाणा खादा। तिन्हीं तिन्हां जो परमात्मे दे बारे च कने तिन्हां लोकां नैं तिसदे वादेयां दे बारे च अनोखियां गल्लां दस्सियां जेहडे लोक तिस नैं प्यार करदे हन। ताहलू यीशुयें तिन्हां जो बंडणे ताई रोटी कने कटोरे च अंगूरा दा रस दिता। एह तिन्हां जो याद दिलाणे ताई था कि यीशु दा सरीर कने खून लोकां दी पापां दी माफी ताई दिता गेआ था।



7

ताहलू यीशुयें अपने चेलेयां नैं गलाया, कि “में पकडुआया जांगा, कने तुहां सारे मिन्जो छड्डी करी नठी जांगे। एह सुणी करी पतरसैं गलाया, “सारे तिज्जो छड्डी करी नठी जांगे अपर में तिज्जो छड्डी करी नीं नठगा। इसा गल्ला जो सुणी करी यीशुयें गलाया, “कुक्डे दे बांग दैणे ते पैहल्लैं, तू मिन्जो पणछैणने ते त्रै बरी मुकरगा।”




8

तिसा राती यीशु गतसमनी बगीचे च प्रार्थना करणा गेआ। जेहडे चेले तिस सौगी थे सैह सोई गियो थे। यीशुयें इस तरिके नें प्रार्थना कित्ती, “हे मेरे पिता परमात्मा, इस दुखे दे बगते जो मिन्जो ते दूर करी देआ। भिरी भी, मेरी नीं तेरी इच्छा पूरी होयें।”



9

ताहलू तिसी बगते लोकां दी भीड़ यहूदा इस्करियोति सौगी तिस बगीचे च आईं गेईं। यीशुयें तिन्हां दा विरोध कित्ता, अपर पतरसें इक्की माणुये दा कंन्न अपणिया तलवारा नें बड्डी दित्ता। अपर यीशुयें तिस माणुये दा कंन्न छुता कने तिसियो खरा करी दित्ता। यीशु जाणदा था कि मिन्जो इन्हां दे हुआलें करणा, परमात्मे दी इच्छा ऐ।



10

भीड़ा दे लोक यीशु जो महायाजके दे घरे जो लेईं गे। तित्थु यहूदी नेतेयां गलाया कि यीशु जो मरणा चाइदा। तित्थु पतरस तिन्हां नौकरां सौगी अग्गी अल्ल खड्डी करी दिखदा रेहआ। त्रै बरी लोकां पतरसें पास्सें दिख्या कने गलाया, “तूमी यीशु सौगी था!” त्रै बरी पतरस मुकरी गेआ, जिआं यीशुयें गलाया था कि तू त्रै बरी मिन्जो पणछैणने ते मुकरगा। पतरसे कसम खादी।



11


कुक्कड़-कुक्कड़-कुक्कड़

तिसते बाद इक्की कुक्कड़ बांग दित्ती। एह पतरसे ताई परमात्मे दिया वाणिया साइआं था। यीशु दिया गलाईया गल्ला जो याद करी नें पतरस जोरे-जोरे नें रोएया।




12

यहूदा इस्करियोति जो भी दुख होएया। सैह जाणदा था कि यीशु कुसी पाप या गुनाह दा दोसी नीं था। यहूदें 30 चाँदिये दे सिक्के वापस करी दिते, अपर याजकां तिन्हां वापस नीं लेआ।



13

यहूदें चाँदिये दे सिक्केयां जो सट्टी दित्ता कने बाहर जाईं नें फांसी लगाईं लेईं।




14

याजकां यीशु जो रोमी राज्यपाल पिलातुसे दे सामणें पेस कित्ता। पिलातुसैं ग्लाय़ा, “में इस माणुये च कोई दोस नीं पांदा ऐ।” अपर भीड़ा दे लोकां जोरे-जोरे नैं ग्लाय़ा, “यीशु जो सूलिया पर टुंगा! यीशु जो सूलिया पर टुंगा।”



15

आखरी च पिलातुसैं हार मनी लेई कने यीशु जो सूलिया पर मौती दी सज़ा दिती। सपाईयां यीशु जो घसून मारे, कने तिसदे मुँए पर थूकेया कने तिसियो कोड़े लगाये। तिन्हां लम्मे कंडेया दा इक्क मुकट बनाया कने तिसदे सिरे पर रखी दिता। भिरी तिन्हां तिसियो मरणे ताई लकडिया दिया सूलिया पर मेखां नैं ठोकी दिता।



16

यीशु हमेसा जाणदा था कि में किस तरिके नैं मरगा। यीशु एह भी जाणदा था कि मेरी मौत तिन्हां पापी लोकां ताई माफी दिंगी जेहडे तिस बसुआस करदे हन। यीशु दे सज्जे कने खब्बे पास्सैं दूँ डाकुआ जो भी सूलिया पर टुंगेया था। इक्की डाकुयें यीशु पर बसुआस कित्ता कने सुअर्ग चली गेआ। अपर दूर्यें बसुआस नीं कित्ता।



17

इतणा भरी दुख झेलणे ते बाद यीशुयें ग्लाय़ा, “पूरा होएया,” कने मरी गेआ। तिसदा कम्म पूरा कित्ता गेआ था। तिसदे दोस्तां तिसदी लाश इक्क खास कब्रा च रखी दिती।



18

ताहलू रोमी सपाईयां, जिसा कब्रा च यीशु दी लाश रखियो थी तिसा कब्रा जो सील्ल करी नैं तिसा दी रखवाली कित्ती। हुण कोई अन्दर या बाहर नीं जाई सकदा था।




19

जे इसा काहणिया दा अन्त हुंदा तां कितणी दुखे दी गल्ल हुंदी। अपर परमाल्मे कुच्छ अनोखा कित्ता। यीशु मरेयां ते दोबारा जिन्दा होई गेआ।



20

हफते दे पैहल्ले दिन भ्यागा यीशु
दे कुच्छ चलेयां कब्रा ते पत्थरे
जो खिसकेया दिख्या। जाहलू
तिन्हां कब्रा अन्दर
दिख्या, तां यीशु
जित्थु नीं था।



21

इक्क जणास कब्रा पर रोंदी रेई। यीशु
तिसा जो दुस्सेया कने सैह बाकि चलेयां
जो दस्सणे ताई खुस होई नैं दौडी
करी वापस गेई, कि यीशु जिन्दा
होई गेआ! यीशु मरेयां ते
दोबारा जिन्दा होई गेआ।



22

यीशु तौली अपने चलेयां अल्ल आरया, कने तिन्हां
जो मेखां दे छेदां आल्ले अपने हत्थ दस्से। एह
सच्च था कि यीशु दोबारा ते जिन्दा होई गेआ था।
तिन्हीं पतरसे जो तिसियो नीं पणछैणने ताई माफ
करी दिता, कने अपने चलेयां नैं गलाया कि सैह
सारे लोकां जो मेरे बारे च दस्सन। भिरी यीशु
वापस सुअर्गे जो चली गेआ जित्थु
ते सैह आरया था।

पैहल्ला ईस्टर
परमात्मे दा वचन, बाइबला दी इक्की काहणिया

च पाएया जांदा ऐ

मती 26-28, लूका 22-24,
यूहन्ना 13-21

“तेरे वचनां दी समझ मिन्जो जोती दिंदी ऐ।”
भजन 119:130

23

24

आखरी

बाइबला दी एह काहणी अहां जो अहां दे
अनोखे परमात्मे दे बारे च दस्सदी ऐ जिन्हीं अहां जो
बणाया ऐ कने जेहड़ा सैह चांहदा ऐ कि अहां तिसियो जाणी पान।

परमात्मा जाणदा ऐ कि अहां बुरे कम्म कित्तयो हन जिसियो सैह पाप ग्लांदा
ऐ। पाप दी सज़ा मौत ऐ, अपर परमात्मैं अहां नैं इतणा प्यार किता ऐ कि
तिन्हीं अपने इक्कलौंते पुतर, यीशु जो सूलिया पर मरणे ताई घल्लेया। तांजे
अहां अपने पापां दिया सज़ा ते बची सकन। ताहलू यीशु दोबारा जिन्दा होएया
कने सुअर्गे जो चली गेआ। जे तुहां यीशु पर बसुआस करदे हन कने अपने
पापां ते पश्चाताप करदे हन, तां सैह इआ करगा जाहलू सैह वापस ओंगा कने
तुहां सौगी रँहगा, कने तुहां तिस सौगी सदा ताई जिन्दे रँहगे।

मेरे प्यारे यीशु, मिन्जो बसुआस ऐ कि तुहां परमात्मा हन, कने मेरे
पापां ताई तुहां माणु बणी करी अपने प्राण देई दिते, कने हुण भी तुहां
जिन्दे परमात्मा हन। करिपा करी नैं तुहां मेरिया जिन्दगिया च ओआ कने
मेरे पापां जो माफ करा, तांजे मैं हुण नौई जिन्दगी पाई सकैं, कने हर दिन
मैं तुहां सौगी रँह। तुहां अपने हुक्मां जो मनणे ताई मेरी मदत करा
कने मैं अपनी जिन्दगी तुहां सौगी जी सकैं। अमीन।

हर रोज बाइबल पढ़ा कने परमात्मे नैं गल्लां करा। यूहन्ना 3:16

54



60

25

26